



# Nunatsinni Nakorsaaneqarfik

**Isumannaallisaanermut qiteqummik atuisussaataitaanermiit atuinnginnissaq pillugu immikkut akuerineqarnissaq pillugu ilitsersuut**

**Ulloq 1. juni 2009**

## 1. Aallaqqaasiut

Kalaallit Nunaanni angallanneq pillugu inatsisip allannguuteqartinneqarnerani (inatsit nr. 832, 18. december 1991-imeersoq, inatsimmi nr. 497-imi, 17. juni 2008-imeersumi allannguuteqartinneqartoq) isumannaallisaanermut qiteqummik atuisussaataitaasarnissaq atuutilersinneqarpoq, biilimi, motorcykelimi knallertimiluunniit taamaattumik ivertitsisoqarsimagangat. Meeqqat pingasut inorlugit ukiullit isumannaallisaanermut qiteqummut taarsiullugu meeqqanut issiavissiamik meeqqap angissusianut oqimaassusianullu naleqqussakkamik isumannaallisaanermiluunniit atortumik akuerisaasumik allamik atuisassapput. Meeqqat pingasunik ukioqalereersimasut, 7-inilli ukioqalersimannigitsut, isumannaallisaanermut qiteqummut taarsiullugu meeqqanut issiavissiamik meeqqap angissusianut oqimaassusianullu naleqqussakkamik isumannaallisaanermiluunniit atortumik akuerisaasumik allamik atuisassapput. Isumannaallisaanermut qitequtip ilaatut akisaasaq isumannaallisaat atornerarsinnaavoq.

Justitsministeriap ”Kalaallit Nunaanni isumannaallisaanermut qitequtit allallu atornerqartarnissaat pillugu nalunaarutaani nr. 965-imi, 25. september 2008-meersumi” isumannaallisaanermut qiteqummik atuisussaataitaanermiit atuisanninnissaq pillugu maleruagasanik aalajangersaasoqarpoq.

Nalunaarutip § 2, imm. 1 naapertorlugu isumannaallisaanermut qiteqummik isumannaallisaanermiluunniit atortumik allamik atuisussaataitaanermiit inunnut nakorsaasarnermik peqquteqartumik nakorsamiit allagartalerneqarlutik taamaattunik atuinnginnissamut pingitsortinneqarsinnaapput. Nalunaarummi § 3 naapertorlugu Nunatsinni Nakorsaaneqarfik Kalaallit Nunaannilu Politimesteri isumasioqatigeqqaarlugu § 2-mi atuinnginnissaq pillu-

gu uppernarsaammik qanoq ilisukkut tunniussissarnissamut maleruagassiorsinnaavoq.

Isumannaallisaanermut qiteqummik atuisussaataitaaneq atuutilersinneqarpoq, angallatinik motorilinnik atuinermi isumannaallisaanissap kissaatigineqarnera pissutigalugu, taamaattumillu nakorsaasarnermi pissutsit peqqutigalugit immikkut akuersissuteqarfiginnittoqartassaaq. Taamaattumik immikkut akuersissuteqarnermi tunngaviutinneqartut eqqarsaatigilluarneqartassapput, ajoqutaasinnaasut nalunaarneqartut ima pinartigissasut, inatsimmi qiteqummik atuinissamiit immikkut akuersissuteqarnissap aquttumut ilaasumullu uloria-naateqarsinnaasut kinguneqaatissaat taarteqartilluarsinnaalersillugit.

## 2. Periaasiusussaq

### 2.1. Immikkut akuersissuteqarneq nakorsamit nalunaarutigineqartassaaq

Immikkut akuersissuteqarneq nakorsamit, nunap immikkoortuani nakorsamit nakorsamiluunniit immikkut ilisimasalimmit nalunaarutigineqassaaq. Nakorsaq isumaqarpat, immikkut akuersissuteqarnissamik peqqusinissap akuersaarneqarnissaanut peqqissutsimut tunngassuteqartut nalorninarqartut, nakorsap Nunatsinni Nakorsaaneqarfimmut apeqqut taanna ingerlateqqissinnaavaa.

### 2.2. Piffissap ilaanna imaluunniit ”akuersissuteqarallarneq”

Peqqissutsimut tunngassuteqartut piffissami sivikitsumi atuinnginnissamut peqqutaatinneqassagaluarpata, uppernaasiisarnissaq piffissamut aalajangersimasumut atuutsinneqartassaaq. Taamatuttaaq uppernarsaat ”akuersissutaagallartutut” tunniunneqarsinnaavoq. Taamaalluni pisuni taamaattuni, ataavartumik allannguuteqarneq pisimalissagaluarpat, atuinnginnissamut pisussaaffiup iluarsiivigineqartarnissaa periarfissaqartassaaq.

### 2.3. *Uppernarsaat*

Nakorsap immikkut akuersissuteqarnermini uppersnarsaat marlungorlugu immersortassavaa. Aappaa pineqartumut, biilernermini akuersissutaasoq uppersnarsaat nassataqartarnissamik pisussaaffeqartinneqartussamut tunniunneqassaaq. Immersukkallu aappaa nakorsap uppersnarsaasiisup tigumiartartussaavaa.

### 2.4. *Siffissami qiteqummik pisariaqartitsisoqaratarsinnaanera pillugu ilisimatitsissut*

Qiteqummik atuinnginnissamut atatillugu siffissami qitequt pisut ilaanni ajoqusersinnaanermut killiliisuusinnaavoq. Siffissami qitequt inunnit ilitersuut manna naapertorlugu isumannaallisaanermut qiteqummik atuinnginnissamik nalunaarfigineqartunut iluaqutaasinnaalluarpoq. Tamanna inunnit ilitersuutip immikkoortuisa 3.3., 3.7., 3.8.-aannilu pisariaqarpallu 3.9-anni ilaatinneqartunut atuutinneqassaaq. Qinnuteqaateqartut periarfissaq tamanna pillugu ilisimatinneqartariaqartassaput siffissamilu qiteqummik atuisarnissaat kaammattuutigineqartassalluni.

## 3. Immikkut akuersissuteqarnissamut peqqissutsimut pissutsit tunngaviliisinnaasut

### 3.1. *Ajoqutit nalinginnaasuunngitsut timikkulluunniit innarluutit allat*

Ajoqutit nalinginnaasuunngitsut timikkulluunniit innarluutit allat immikkut akuersissuteqarfigineqarnissamut tunngaviliisuusinnaapput, tamatumani qiteqummik aalajangiiniarnermik qasukkartitsiniarnermiluunniit ajornartorsiuteqalernissamik kinguneqartitsissagaluarpap, imaluunniit qitequt atorneqassagaluarpat angallatip illersorneqarsinnaasumik aqukkuminaallineranik kinguneqartitsissagaluarpap. Pisuni nalornisoorfiusuni biilunik nakutilliisoq/politiit naliliinermi akuutinneqartariaqarpap. Ajoqutit nalinginnaasuunngitsut malugisaarunnerat nukillaarneralluunniit qiteqummik atuinnginnissamut immikkut akuersissuteqarnissaq *pisinnaajunnaarsittussaavaat*.

### 3.2. *Sakissakkut ajoqutit*

Sakissakkut ajoqutit pisuni immikkut illuinartuni naliliilluareernikkulluunniit immikkut akuersissuteqarfiginninnissamut taamaallaat tunngaviutinneqarsinnaapput.

### 3.3. *Qungatsikkut ajoqutit*

Qungatsikkut ajoqutit immikkut akuersissuteqarfigineqarsinnaapput, tamatumani ajoqutaasut imaappata, qitequt eqqortumik inissinneqarsinnaatinngikkaangassuk atuulluartissinnaanngikkaangassulluunniit.

### 3.4. *Qiteqqakkut nukillaarsimanerit*

Qiteqqakkut nukillaarsimanerit nalinginnaasut immikkut akuersissuteqarnissamik kinguneqaateqartitsisinnaanngillat.

### 3.5. *Naartuneq*

Naartuneq nalinginnaasumik immikkut akuersissuteqarfiginninnissamut tunngaviutinneqarsinnaanngilaq. Paarlattuanilli pingaaruteqarpoq, naartusup nakorsamit qitequtip inissinneqarnissaa pillugu ilitersorneqartarnissaa, taamaalilluni naartua innarlerneqarsinnaajunnaarlugu qitequt aalajangerneqartassalluni. Qitequtip eqqortumik inissinneqarnissaanut ilitersuinissaq nakorsamit isumagineqarluarnerusinnaavoq nalinginnaasumik naartumik misissuinermut atatillugu.

### 3.6. *Napparsimasut inalugarsualuttut imaluunniit inalugarsuarmi pullattoornillit*

Napparsimasut inalugarsualuttut inalugarsuarmikkuulluunniit pullannillit nalinginnaasumik akornutigivallaarnagu qiteqummik atuisinnaapput. Pisoqarsinnaavorli, qitequtip siartinniartarnissaata pisariusarnissaa, pingartumik inunni mikisuni pualasuuniluunniit, tamatumani inalugarsuaq imariaqalersimappat silaannanissimappalluunniit qitequt iluaalliu-taalersinnaasarmat. Taamaattumik taamatut nappaatillit immikkut akuerineqarnissamik akuersaarneqarsinnaapput.

### 3.7. *Timip sianiutaasigut nappaateqarneq*

Timip sianiutaasigut nappaateqarneq pisut ilaanni qiteqqummik atuinnginnissamut peqqutaatinneqarsinnaavoq. Taamaattumik nakorsap taamatut nappaateqartoqarnera uppersnarsaasertariaqarpaa, taanna isumaqarpap pingitsaaliissummik qiteqummik atuinissamut immikkut akuersissuteqarnissaq pisariaqartuutissappagu. Apeqqut pisariaqarpap biilunik nakutilliisumut/politiinut qinnuteqaateqartup biilimik ingerlatsinissaanut periarfissaasa na-

liliffiqineqarnissaat siunertaralugu saqqum-  
miunneqassaaq.

### 3.8. *Pace-maker*

Napparsimasut Pace-makereqartinneqartut  
immikkut akuersissuteqarfigineqarsinnaapput,  
tamatumani qitequtip akornusersuutaanissaa  
nakorsamut uppersartissinnaappassuk.

### 3.9. *Tarnikkut pissutsit allallu*

Tarnikkut qanoq issuseq pequtigalugu im-  
mikkut akuersissuteqartarnissaq pingaartumik  
tarniluutinut inikitsuni issanngusartutut ersiu-  
tilinnut tunniunneqarsinnaavoq, tamatumani  
nappaammut ersiutit malunnaateqarluarpata,  
tamatumani taamaallaat nappaat nakorsamit  
ilisimaneqarpat, assersuutigalugu elevatori-  
mik atuisannginnissaq kinguneqaataasimap-  
pat, imaluunniit nappaatigineqartoq tarnikkut  
nakorsamit immikkut ilisimasalimmit katsor-  
sarneqarsimappat. Immikkut akuersissut sivi-  
sunerpaamik ukioq ataaseq tunniunneqarta-  
riaqarpoq. Aammaarluni immikkut akuersis-  
suteqarfigineqaqqinnissaq pillugu qinnuteqaa-  
teqartoqarpat, uppersartaat tarnikkut nakor-  
samit immikkut ilisimasalimmit tunniunne-  
qassaaq.

### 3.10. *Utoqqaat*

limagineqarsinnaavoq, utoqqarniit immikkut  
akuersissuteqarfigineqarnissaq pillugu arla-  
linnik saaffiginnittoqartarnissaa. Inunnut taak-  
kununga nalinginnaasumik atuutitinnin-  
nissaq nakorsaasarneq eqqarsaatigalugu tun-  
niunneqarsinnaanngilaq. Atortulersuutinik a-  
kuersaarsinnaasarneq inersimasunut allanut  
naleqqiullugu utoqqarnit akuersaarnartinne-  
qarneq ajorpoq, tamannalu qiteqummik atui-  
soqartarnissaanut immikkut kaammattuutaa-  
sariaqarluni. Biilinut ikilernermit niulerner-  
mullu ikiorneqarnissamut pisariaqartitsisar-  
nissaq immikkut akuersissuteqarfigineqarnis-  
samut naammangilaq.

## 4. Uppersartaat

Uppersartaatit immersugassaq NUN-1-09  
atorneqartassaaq.

## 5. Nunani EU-mut ilaasortaasuni biilertar- neq

EF-ip nalunaarutaa isumannaallisaanermi qi-  
tequtinik atuisarnissaq pillugu nalunaarut 9.  
december 1992-imeersoq naapertorlugu Ju-  
stitsministeriap aalajangersaavigaa, nakorsap  
uppersartaataa imaattumik ilisarnaateqartin-  
neqartassasoq:



Nunatsinni Nakorsaaneqarfik, den 1. juni 2009

Flemming Kleist Stenz  
Nakorsat qullersaat

**Kalaallit Nunaanni Peqqinnissakkut Nakkutilliisoqarfik, Box 120, Aqqusinersuaq 5, 2, 3900  
Nuuk**

**Telefon: 34 51 92 Telefax: 32 51 30 e-mail:**